

烟

草

譜

序

陸羽茶經伯仁酒史續舍之狀草木王灼之譜糖
霜自古騷人不少紀錄於今嘉井可無乾揚諸乎
爰有烟酒亦曰淡巴草既稱仁火原號聖產於呂
宋會傳返魂之香吟自唐人猶記相思之句一自
移來閩嶠遂爾種遍檳田處處耕煙家家構火製
別生熟色標青黃食籍浮於百韻禺筴準之萬口
雖灼喉熏肺道非養生而辟瘴祛寒功能療疾信
手閒拈玉管探囊細吸金絲味美於回嗜在酸醜

之外心清聞妙香生茹吐之間此固炎帝所未嘗
桐君所未錄者也余本山人世稱煙客結前緣之
香火分餘慧於齒牙品以芳名原其地產徧採遺
聞脞說兼撿麗句清詞若云編入食經乃登謝諷
五十三種外如或添諸藥譜當列宋掌千八百名
中

嘉慶旃蒙大淵獻涂月陳琮書於繡雪山房

烟草譜

徵引書目

大清會典則例

大清律例

佩文齋廣羣芳譜

清文鑑

熙朝雅頌集

詒晉齋法帖

廿一史約編

宋史

畿輔通志

福建通志

廣西通志

昌平州志

蘇州府志

杭州府志

泉州府志

漳州志

永春州志

義烏縣志

平陽縣志

奉賢縣志

地志

地緯 熊人霖

宸垣識畧 吳長元

東西洋考 張燮

中山記畧 張學禮

中山傳信錄 徐葆光

滇黔土司婚禮記

陳鼎
龍沙紀畧 方式濟

黔書

田雯

俄羅斯行程錄 張鵬翮

海國聞見錄 陳倫炯

澳門紀畧 印光任

南越筆記

李調元

海東札記

朱景英

滇南聞見錄

吳大勳

金川瑣記

李心衡

露書

姚旅

日知錄

顧絳

陶菴夢憶

張岱

綬冠紀畧

吳偉業

物理小識

方以智

蚓菴瑣語

王逋

在園雜志

劉廷璣

寄園寄所寄

趙吉士

鹿洲初集

藍鼎元

遲山堂鳧史

申涵光

分甘餘話

王士正

香祖筆記

同上

矩齋雜記

施閏章

嘯旨

汪价

脈贖

鈕琇

三岡識畧

董含

文房約

江之蘭

虞初新志

張潮

諱書錄

汪師韓

燕山閣知新錄

王堂

遊戲三昧

石杰

怡曙堂集

咳餘叢考

趙翼

茶餘客話

阮葵生

牘外餘言

袁枚

東臬雜鈔

董潮

淡墨錄

李調元

無所用心齋瑣記

金學

梅谷偶筆

陸煊

聞見瓣香錄

秦武域

空明子集

張棠

明齋小志

諸聯

夢尸雜著

俞蛟

芝庵雜記

陸雲錦

柳崖外編

徐昆

漁磯漫鈔

雷琳

槐西雜志

紀昀

如是我聞

同上

夜譚隨錄

新齊諧

袁枚

揚州畫舫錄

李斗

燕蘭小譜

六合內外瑣言

秋坪新語

文章遊戲

廖良

無稽譚語

王露

廣新聞

夜航船

古今秘苑

花間笑語

本草綱目

李時珍

景岳全書

張介賓

本經逢原

張璐

醫林集要

王璽

東醫寶鑑

許浚

醫學入門

李挺

本草彙言

倪朱謨

本草備要

汪昂

食物本草

汪穎

本草從新

吳儀洛

秘方集驗

王夢蘭

經驗良方

一切經音義

釋元應

格致鏡原

陳元龍

事物異名錄

厲荃

奩史

王初桐

金壺字攷二集

田朝恒

集腋

程炎

花鏡 陳湜子

小知錄 陸鳳藻

四六清齋集 陳雲程

揀金錄 朱一飛

同館律賦鴻裁

龍蘭集賦鈔

帶經堂詩話 王士正

蓮坡詩話 查爲仁

隨園詩話 袁枚

兩村詩話 李調元

盥花軒詩話 廖景文

鳳池集 高士奇

梅村詩集 吳偉業

龔山集 方文

敬業堂集 查慎行

西堂小草 尤侗

鮎埼亭集 全祖望

句餘土音 同上

月山詩集

恒仁

鹿堂續集

黃之傳

萬山樓集

許虬

致軒集

楊守知

絳跗閣詩集

諸錦

愛日堂集

陳元龍

高津草堂詩

田霖

評山堂集

余錫純

歸愚詩鈔

沈德潛

樊榭山房集

厲鶚

東村吟稿

徐震脩

上湖紀歲

詩編 汪師韓

百一草堂集

唐柴才

澹吟樓詩鈔

張梁

四繪軒詩鈔

徐振

深柳堂詩集

胡然

賦清草堂詩集

張棠

南陔堂集

徐以升

無不宜齋集

翟漸

春暉堂集

王丕烈

訖齋詩鈔

沈心醇

贅翁詩稿

陸瀛齡

松亭詩集

葉承

水聲集

金理

碧蘚齋詩鈔

曹錫麟

梅篔詩鈔

朱邦垣

春融堂集

王昶

潛研堂詩集

錢大昕

炙硯集

曹仁虎

古雪詩鈔

王永椿

蕭兀齋詩稿

高澍

忠雅堂集

蔣士銓

甌北集

趙翼

劔亭詩鈔

曹錫寶

醉嘯軒吟稿

毛思正

硯山樵詩集

錢孫鐘

行餘小草

李大恒

童山詩文集

李調元

葆沖書屋集

汪如洋

淵雅堂集

王芑孫

卷施閣集

洪亮吉

東井詩鈔

黃定文

耕餘小稟

陸燺

茗溪草堂集

高世鑣

臨川集唐初編

柴杰

清省堂稿

金鴻書

趨庭集

張崇鈞

青冶詩稟

大春

淞南樂府

楊光輔

摩鴻書屋詩鈔

吳文祿

曙戎軒詩

胡玉樹

長寶齋稿

諸聯

籀山草堂小稟

何其偉

閩詞百首

蔡春雷

揚州竹枝詞 董偉業

秦淮竹枝詞 汪東鑑

閨中竹枝詞 繆良

花林竹枝詞 湯春生

春雨樓集 沈彩

續徐小草 歸懋儀

柳絮集 李湘芝

烟草偶和詩牋 等

烟草聯吟集 紀兆芝

兩浙輜軒錄 阮元

詠物詩選 王鳴盛

詠物詩鈔 朱堦

蜀雅 李調元

松江詩鈔 姜兆獅

湘瑟詞 錢芳標

白蕉詞 陸培

竹香詞 陳章

蘭笑詞 鄭廷昭

小長蘆漁唱 朱方鶴

琴書樓詞 王翹

杉亭詞 吳煥

丁辛老屋詞 王又曾

曇香閣琴趣 吳泰來

自怡軒詞 許寶善

媿雅堂詞 趙文哲

綠陰槐夏閣詞 朱昂

香溪瑤翠詞 吳元潤

曇華閣詞 張熙純

小湖田樂府 吳蔚光

有正味齋詞 吳錫麒

華藏室詞 許宗彥

水雲詞 潘奕雋

蘆芬館詞 郭麐

衡樓詞 張蘩

國朝詞綜 王景

烟草盛行於世自明以前紀載頗尠向聞浙
江汪師韓金經錄倪一擊烟志惜未見其書
是譜之作祇憑臆談恐無以取信于人因進
錄平日採摭羣籍廿年中所見聞者彙爲一
編特家鮮藏書涉獵未廣尙冀博雅君子匡
所不逮是幸

小岑谿陳琮識



程艸寓





讚

陳琮

天生煙州見莊嚴
經曰菸曰蒿異名同
形種傳呂宋菰出淡巴
勝國之莖不入
中葦葉若菘菜莖若牡
鞠等若海棠子
若罌粟聶而切出縷
三金絲再貢縣賤
無不芬吹口銜
氣管一噴一醒
其味辛
汲可代酒茗

烟草譜總目錄

卷首 序 徵引書目 圖贊

卷一 譜

卷二 譜

卷三 譜 故實

卷四 賦 序 傳 制 文 戒 說

啟 贊

卷五 詩 五古 七古 五律

卷六 詩 七律

卷七

詩

絕句

短簡詩

卷八

詞

卷末

題辭

烟草譜卷一

青浦陳璘雙筠輯

烟

烟草名卽淡巴菰也乾其葉而吸之有烟故曰烟
案烟本作菸正韻菸音烟臭草也又作薦說文薦
菸也一切經音義云關西言菸山東言薦今總名
之爲烟草

原始

烟草之利幾徧天下而烟草之來莫詳其始案吳

偉業綏寇紀畧云齊武帝永明十一年先是魏地
謠言赤火南流喪南國是歲有沙門從北齋此火
至火赤於常火而微以療疾多驗都下名曰聖火
此與今之烟草相類唐書李德裕傳昔吳有聖水
宋齊有聖火皆本妖祥古人所禁趙翼陔餘叢考
云唐詩相思若烟草似唐時已有服之者

方以智物理小識云烟草瀉感未有攜至漳泉者
馬氏造之曰淡肉果漸傳至九邊皆銜長管而點
火吞吐之有醉仆者嚴禁之不止王逋蚓菴瑣語

云予兒時尚不識烟爲何物崇王末我地徧處栽
種雖三尺童子莫不食烟景岳全書云自萬歷始
出於閩廣間向以征滇之後師旅深入瘴地無不
染病獨一營安然問其故則衆皆服烟由是徧傳
廿一史約編五行條內烹廟時童謠曰天下兵起
遍地皆烟未幾閩人有烟草名曰烟云可以已寒
療疾亦火異也

原產

烟草出自邊塞外蕃張琳本經逢原云烟草之火

方書不錄惟朝鮮志見之始自閩人吸以祛瘴向
後北人藉以辟寒今則遍行寰宇熊人霖地緯云
其種得之大西洋黎士宏曰始于日本傳于漳州
之石馬鴈鸚樊榭集云烟草神農經不載出於明
季自閩海外之呂宋國移種中土名淡巴菰又名
金絲薰全祖望鮎琦亭集云烟草姚旅以爲來自
呂宋淡巴者原屬呂宋旁近小國予按呂宋國在
臺灣鳳山縣沙馬崎東南續文獻通考云淡巴國
在西南海中自明洪武以來二國俱來朝貢其地

且近閩海故得傳種漳泉

劉廷璣在閩雜志云露書謂產于呂宋關外人相傳本于高麗國其妃死回王哭之慟夜夢妃告曰豕生一卉名曰烟草細言其狀采之焙乾以火燃之而吸其烟則可止悲亦忘憂之類也王如言采得遂傳其種

釋名

烟草之名紛紛不一或以形色或以地名大率市肆賣償之稱亦無一定姚旅露書云外國有蓋露

余糖髮絲等名地緯云粵中有仁草一曰八角草
一曰金絲烟物理小識云金絲烟北人呼爲淡把
菰或呼擔不歸杭州府志云蘆茨地志云相思草
汪師韓談書錄云打姆巴古大孖古醺金絲醺芬
草而總名之曰烟

淡巴菰

露書云呂宋國有草名淡巴菰一名金絲醺烟色
從管中入喉能令人醉卽今所嗜之烟草也清文
鑑菰菜類譯文烟淡巴菰阮葵生茶餘客話云烟

滿文曰淡芭菰田霽鬲津草堂詩注云淡芭菰烟
名見佛經又作淡芭菇石杰云烟草不見經傳宋
史載呂宋國產淡芭菇土人呼爲淡把姑陳湜子
花鏡云烟花一名淡把姑柳厓外編又作淡芭姑
義烏縣志作淡芭菰總之淡芭國名菰菜類也蓋
淡芭國所生之菰耳

烟酒

一曰烟酒蓋多食之以其能令人醉也廣羣芳譜
云烟草一名烟酒怡曙堂集云烟酒不知所自或

曰仙草療百疾或曰能枯腸染疫然鷺之如市頃刻不去手顧絳曰知錄云徐尙書石麒麟有云酒禍烈于火而其親人甚于水宥以夫世盡妖于酒而不覺也螢雪叢說言陳公大卿生平好飲一日席上與同僚談舉知命者不立乎巖牆之下問之其人曰酒亦巖牆也陳因是終身不飲頃者米醪不足而烟酒興焉則真變而爲少矣

楊慎伐山集云南方有蘆酒卽烟草也余按蘆酒以蘆爲筒吸而飲之今之嘔酒也又名鈎藤酒似

與烟草有別金川瑣記云番地無六酒祇有咂酒
一味以細竹管吸之以喫烟

返魂香

十洲記神鳥山多返魂樹伐其木製爲丸名反生
香又香譜云返魂香烟直上可見先靈則知烟草
之亦可反生也陸焯梅谷偶筆云淡巴國有公主
死棄之野聞草香忽甦乃共識之卽烟草也故亦
名返魂香汪穎食物本草作返魂烟

相思草

茶餘客話云烟一名相思草江之蘭文房約云烟之性味本草所不載不知昉于何年今則遍海宇內無人不嗜名之曰相思草食物本草云用以代酒代茗刻不能少終身不厭故一名相思草

土產

烟草始自邊關茲則隨處有之漸成土產種烟之地半佔農田賣烟之家倍多米舖不獨閩省爲然也衡烟出湖南蒲城烟出江西油絲烟出北京青烟出山西蘭花香烟出雲南他如石馬奈糖浦城

濟寧等名皆是昌平州志云先自浮山村產者良
後城中更勝洪亮吉卷施閣集云菸草則香山浦
城閩粵二種閩水火之奇總之閩產者佳燕產者
次湘江石門產者爲下

建烟

閩中以百里所產常供數省之用非人力獨勤種
植獨饒良由地氣使然也永春州志云烟草葉大
如芋種盛閩中漳州志云今各省皆尙之外省亦
有種者然惟漳烟種稱最聲價甲天下漳又長泰

最勝在園雜志云其在外國者名髮絲在閩者名建烟然建烟有真建假建頭黃二黃之別

浦城烟

浦城烟亦以地得名者閩中嘗與武夷茶建蘭等同入上方故名貢絲

金絲烟

物理小識云烟草暴乾以火酒炒之日金絲烟閩爾梅南昌雜詠云賣花人倚樓船醉自吸金絲絕品烟

方中履云瀕湖載金絲草或曰即烟余按金絲草出慶陽治諸血惡瘡涼血不言作烟食其性亦異蓋以金絲烟金絲醺之名而訛傳之耳

蓋露

徐震脩云製烟始於漳泉馬氏名蓋露品幾輔通志云草頂數葉名曰蓋露或曰蓋露惟頂上三葉色最青翠味亦香冽俗美其名曰醉仙桃曰賽龍涎曰擔不歸曰胡椒紫曰辣麝曰黑於菟皆是物也秦武域聞見瓣香錄云今湖南北菸舖招牌多

書蓋露名烟

香絲

烟有乾絲油絲之名黃紫以色生熟以製半出人工造作有以檀香屑糝者名香絲烟

蘭花烟

茶之致香之數各有一種風味以蘭花子作末拌入者名蘭花烟初吸一二口亦有蘭麝氣王昶琴畫樓詞注云吳中有蘭花烟相思烟蘇州府志云烟草向無此種明季始種知吳中種烟不後於閩

省也

小桃

建業所食之烟有小桃紫建黃建之類烟葉多從
泰州廣德州來乃自前朝宮殿半爲瓦礫之場居
民已治爲圃亦有種之者 熙朝雅頌集佟世恩
泛舟秦淮詩云傍水居人爭放鴨近年風俗喜栽
烟錢塘袁枚時居金陵之清涼山其山居絕句有
鎮日山腰刷白雲栽量烟草日紛紛之句

杭烟

杭州府志云烟草一名葷菘本產於閩今土人多種此爲業

烟葉子

本草彙言沈氏曰烟草生江南浙閩諸處今北地亦種植矣然北方製烟不切成絲將原晒烟片揉成一塊如普兒茶磚茶之類用時拈碎作末納烟袋中謂之烟葉子又名錠子烟

閩人呼烟止謂之葉子而不言烟猶越人號柑爲果樹吾松呼木棉爲花夫人而知之也

奇品

奇品烟江浙所產一名香奇近又有一種幻奇白
奇縉子較奇品而麗

黃烟

吾郡多食淡黃烟亦產於閩中俗名抖絲最上者
爲上印至有千錢易烟半觔者其次二印三印最
下者爲四印亦名箸烟然他處多不甚行明齋小
識云黃烟行于松郡亦祇華婁青三邑行之其味
香而韻苦不易燃呼吸稍緩又卽息外郡人莫解

其味諺以紅鬆通三字爲食烟訣

廣東黃煙產嘉應州湯春生花林竹枝詞有泡來
紅葉武彞茶茶罷黃烟味史嘉之句妓家每以此
餉客

蘭花香

吳大勳滇南聞見錄云滇省各郡無處不植蕩而
寧州入寨多而且佳又曲靖五槽文昌宮前所產
有蘭花香最爲著名

濟寧烟

食物本草云烟草火出山東邊塞外海島諸山瘠
宜所出烟色紫吸之亦有蘭麝氣味然久食之鼻
中多出黃水

土切烟

烟葉盛于閩今則徧地皆是吾松稻麥棉花之外
農家賴其利亦多種之謂之土切烟或謂之杜切
味不甚嘉蓋亦地氣使然也奉賢縣志云烟草一
名淡巴菘奉賢亦間有植之者

水烟

水烟出甘肅之五泉一名西尖從陝中來烟色紫結成塊者佳近有以烟屑用火酒製者俱不堪食瓣香錄云用水烟袋吸之烟從水過其製有鶴形象形葫蘆形等式淞南樂府注云水烟出蘭州範銅爲女鞵腹貯水面裝烟跟引管尺許隔水呼烟無名氏有水烟筒銘手口相應水火旣濟異哉斯器旨哉斯味凜之哉熏其心而灼其肺

童山詩集李調元云水烟壺腹如壺以銅爲之柄如鵝脰長其筒入口以噓烟氣其烟觜橫安背上

腹內受水噓畢則換詩云本係何烟器呼壺亦近
之鼻噓龍虎彩腹吐雨雲馳既濟占周易司人缺
禮儀最宜微醉後旁挈小童兒又成都學正王儀
亭喜用水烟壺詩以戲之云自從烟草來中國截
竹爲筒任吸呼大抵皆將銅貯火邇來更以水爲
壺趨炎世態今皆是喜冷人情古所無獨有儀亭
清到底終朝噓盡置門孟烟起嘉慶初吾鄉湯顯
業姚前樞前機有聯句詩云巴菰蔓別種噓吸謝
截竹非烟游雲颺得水躍金伏銚鍊蜀嶺銅磨切

昆刀玉圓仿鳧作鐘薄若虎楔軸宛轉歷鹿腸空
洞膨脝腹星鉤蟠蒼龍乳穴掠白蝠金斗琢麟首
銀鑰閃魚目平底占景盤注凝脂盞此製殊玲瓏
就中貯漣淥灌之聊潤枯挹彼不盈掬與流響
桔槔蘸波影轆轤厥產販蘭州其臭分香谷嗜茄
梁劉邕幻茶宋陶穀瑣屑雜米鹽供億先菽苜嚴
報宵更三晷移日時六童偷抱琴閒客抵吹角續
故紙螢焰紅散篆鳳烟綠飛頭却灰燼歎口餘霞
緡隆隆撼砥柱汨汨倒奔瀑斑斕指甲痕光射眸

子矚登場引詩詞解醒間醺醖如螺紋則旋非編
項何縮貪不礙譚詰飽更快敏速矯立鷺足翹鸞
形象鼻曲窳透碧藕靈氣熾芳芸熟情根激回瀾
肺葉饒清沃長柄鷓鴣杓小漏鸚鵡啄旣濟協水
火共賞壹雅俗當世盛新譜稽名尠舊錄挈壺水
激懷欹器脊顛覆

潮烟

潮烟始於潮州其烟管長不盈尺頭小於豆近亦
不用裝頭納烟草少許一口吸盡氣盈胸臆間然

後噴出飲法與水烟相類

潮烟可治肝氣經驗良方云潮烟二兩以米飯一盃拌和槌百杵分作四餅濕草紙包竈火煨存性研末作四服肝氣發時用砂糖調陳酒飲之

鴉片

金學詩瑣記云鴉片產於西洋康熙年間始來自泉州之廈門朱景英海東札記云鴉片產外洋咬溜吧呂宋諸國爲渡海禁物臺地無賴人多和烟吸之一名阿片東醫寶鑑云啞芙蓉又名阿芙蓉

醫學入門云阿芙蓉卽鸚粟花未開時用竹鍼刺十數孔其津自出次日以竹刀刮在磁器內待積取多了以紙封固晒二七日卽成爲片矣李時珍本草綱目云阿芙蓉前代罕聞近方有用者云是罌粟花之津液也故今市者猶有苞片在內醫林集要云天方國種紅罌粟花不令水淹頭七八月花謝後刺青皮取之以水浸三宿三易水去渣存汁以先後出者遞爲高下微火煉之成膏色微綠分之丸如粟粒置燈檠于牀持竹筒若洞簫者橫

臥而吸其烟必兩人並臥傳筒互吸則興致倍加其烟入腹能益神氣徹夜不眠無倦色然越數日或經月偶吸之無大害若連朝不輟至數月後則疾作俗呼爲癮癮至其人涕淚交橫手足痠頓不能舉藍鼎元鹿洲初集云鴉片不知始自何來煮以銅鍋烟筒如短棍無賴惡少羣聚夜飲遂成風俗飲時以蜜糖諸品及鮮果十數碟佐之誘後來者初赴飲不用錢久則不能自已傾家赴之矣能通宵不寐助淫慾始以爲樂後遂不可復救一日

輟飲則面皮頓縮唇齒齟露脫神欲斃復飲乃愈然三年之後無不死矣聞此爲狡黠島夷誑傾唐人財命者愚夫不悟傳入中國已十餘年廈門多有而臺灣特甚蔣士銓題臺灣賞番圖有手操蟒甲吸鴉片之句自注鴉片烟名

俞蛟夢厂雜著云鴉片烟近日四民中惟農夫不嘗其味卽仕途中多有耽此者至于娼家無不設此以餌客張崇鈞珠江竹枝詞云雪藕冰梨沁齒寒銀燈花穗落金盤溜香媚暖開鴉片今夜如何

不合歡飲時謂之開烟

朝鮮烟

朝鮮國土產烟草絕佳而檳枝三尤佳者常人不能得國王用以餉客亦不甚多故土人爭乞之徐振朝鮮竹枝詞云向客蹲身緣底事令監前乞檳枝三

高麗烟

劉廷幾曰烟草本出于高麗國錢寶汾有詠高麗烟詞云白嶽嵐濃綠江沙淨無罇孕出有情枝葉

案白嶽鴨綠江皆近高句麗

日本烟

日本國者舊唐書云倭之別種也在會稽閩川之東亦與珠厓儋耳相近其國所食烟草細如貢絲而色老黃香似檳榔葉味帶甘性能平肝其烟筒短者約長一尺白竹爲之長者皆兩截或用籐或用竹頭與背接處以鐵鑲成光白如銀長一尺四五寸至二尺不等頭大於豆烟取一吸卽盡也

廣輿記云日本國漆以製器甚工緻其烟匣以木

爲胎而表裏皆漆之有紅綠黃紫黑五色以泥金
畫花草廬舍之屬無不精巧又有烟包以紙爲之
有黃如黃牛皮而灑墨花者有黑如驪皮者有青
如蟹殼者有明如漆而洒金者以紫銅爲鏈更有
以絨爲之者五色花紋如漳絨以銀爲鏈有練可
挂極精細其值銀十兩

宋吟於鈞近日貽余日本烟及烟匣來札云銅商
出洋多服此烟係辦銅船帶進者烟細如髮姚旅
所謂髮絲是也有一種芳烈之氣烟盒子作柿形

深綠色用以藏烟潤而不燥

琉球烟

琉球國所產琉烟張學禮中山紀畧云其烟亦來自日本國客來相訪烟酒茶湯接踵而至徐葆光中山傳信錄云康熙十年琉球進貢於常貢外加進鬃烟等物十三年於常貢外加進絲烟等物

烟架一奩中火爐一唾壺一烟盆一室中置數具人前各置一具王宮製用甚精飭琉球人謂烟爲搭八孤烟筒爲啟力

鼻烟

李調元南越筆記云烟草今在處有之又有鼻烟製烟爲末研極細色紅入鼻孔中氣倍辛辣來自西域市舶今粵中亦造之本名洋烟出大西洋以烟雜香物花露碾細末嗅入鼻中可以驅寒冷治頭疼開鼻塞毋煩烟火其品最爲高逸王士正香祖筆記云近京師又製爲鼻烟者云可明目尤有辟疫之功以玻璃爲餅貯之餅之形象種種不一以象齒爲匙就鼻嗅之還納於餅在園雜志云邇

來更尙鼻烟其裝鼻烟者名曰鼻烟壺有用玉瑪瑙水晶珊瑚玻璃縷金琺瑯象牙伽楠各種雕鏤織奇款式各別洪亮吉七招云蒸溜不歇薰炙于鼻五官拉雜黑塞竅穴珠胎旣凌剝玉孕復剖裂自注云菸草一種百年來盛行近復尙鼻烟皆剝玉爲瓶精者至穴大珠爲之

王芭孫詩云命名從鼻觸我假淡菰詮得味皆於氣餐芳亦號烟銖分經屢揣燥潤必精權市滿東華路來爭南粵船蓋垂銀勺袖囊繫繡巾偏微霞

春濡握蘭熏夜裏戔珍將丹藥重傾出紫泥鮮不
住千迴嗅寧愁一竅填沁心頻雪涕染指或擎拳
忽笑吳儂噫先流燕客涎俗時聞稍稍參以息綿
綿誰作香巖觀壺中別證禪辛從益有鼻烟賦亦
形容入妙

烟草譜卷二

青浦陳琮愛筠輯

烟地

漳泉之地凡壤狹田少處山麓皆治爲隴畝所謂
礮田也如浦城之漁梁山漳州之天柱山海澄之
石馬鎮以及龍巖州三都登瀛皆種烟草香祖筆
記田家種之連畛頗獲厚利始於閩中今則遍地
皆種之矣

種烟

烟草每於春初下種種前倒剷土一二徧然後作畦畛每溝約踈一二尺每一尺作一穴種烟一本類如種菜法滇南聞見錄云種蔦之法畦町欲高行勒欲踈闢深溝貯淺水使得滋潤而不沾濕則葉茂盛

灌溉

圃人每以豆汁米泔灌之或云烟性所宜本草彙言云種蔕喜肥糞其葉深青大如手掌

烟葉

泉州府志云烟種來自海外名淡巴菰大如芋葉
卽烟也漳州志云煙近多蒔之者莖葉皆如牡菊
談書錄云烟草鋪芬畛畷歷亂冬春其葉與油菜
黃矮菜相類其本似春不老長五六尺三四月間
枝葉紛敷平疇如鄧中一望青翠可愛

烟花

烟花澹白微紅有若海棠開極艷麗本草彙言云
夏初作花形如箸頭四瓣合抱微有辛烈氣藕合
色姿甚嬌嫩可愛花鏡云開系白細花非也或別

是一種王昶煙草花詩云曾吟煙草見煙花淡白
微紅數朶斜誰料風霜蕉悴後絲絲還繞玉窻紗
郭麐國香慢詞云小朶娟娟簇微黃淡白點綴畦
邊呼龍種來瑤草疑是藍田昔日游蜂稚蝶幾曾
見如此芳妍無人解頻采薑稜芋陂一抹秋煙相
思名字在算移根海島已幾多年花花縱好葉葉
更動人憐無分湘筠玉指倚熏鑪噓暖吹寒風前
自開落陌上時時誤認花鈿

煙子

烟子其囊形如罌子粟極細花謝後結成囊俟囊
篋黃乃收之以爲來歲之種

摘蕊

烟苗盛時抽條發蕊視中莖之翹出者旣摘去頂
穗并除葉間傍枝勿令交揉則聚力於葉惟留一
二本聽其開花收種若畱頂穗則本不長生傍枝
則葉不厚

打葉

烟葉已老土人各提筐筥揀之謂之打葉以日中

一二時打者良

罨葉

食物本草云烟草一本其頂上數葉曰蓋露味最美此後之葉遞下味遞減罨葉時須分別罨之罨必令黃色以三日爲期擇其不黃者再罨

曬葉

廣羣芳譜云春種夏花秋日取葉曝乾以葉攤于竹簾上來縛平墊向日晒之翻騰數遍以乾爲度梅谷偶筆云夾竹恐其卷也其器若兩篩相合

烟梗

烟葉成熟後其梗已枯閩人取以錘軟絞爲繩夜則燃火行風中不滅可用以代燭

飽烟

烟葉晒乾先剪去其蒂葉上粗筋細剔盡然後用版兩片將烟葉夾好飽落紛紛形如細髮外國故有髮絲之名

焙烟

烟有生熟兩種生者不用焙熟者以火酒噴製或

用油炒

烟色

烟色淡黃者如金絲貢絲之類老黃色者賈人用姜黃末拌入以爲飾觀紫色者如八仙小桃之類又有一種黑色者梅谷偶筆所謂黑於菟言其性之猛烈也柴杰烟草詞注云烟惟紫黃色者其味最佳紫氣黃絲烟中名品

封烟

烟已焙乾以紙包裹各標名色水草云每十六兩

爲一封今則輕重不一或十兩或八兩疊置箱中
以待售者高世鑣詩云蘭佩一囊含潤貯花牋五
采帶香封

販烟

陳鼎滇黔土司婚禮記序云時國家初定東南文
武軍民俱盛吸烟烟大行伯可先生走閩粵販烟
今閩地於五六月間新烟初出遠商翕集肩摩踵
錯居積者列肆以斂之懋遷者牽車以赴之村落
趁墟之人莫不負挈紛如或過東南風樓船什百

悉至江浙爲市以收成之豐歉定價值之貴賤琴
画樓詞注云烟草到處有之而由福建海舶來者
爲多

烟草初漳州人自海外攜來莆田亦種之今不特
反多于呂宋而邊塞人每藉內地以爲交易者蚬
菴瑣語云烟葉出自閩中邊上人寒疾非此不治
至以匹馬易烟一觔張鵬翮俄羅斯行程錄云塞
外最喜中國茶布宜多帶以爲盤纏烟烟袋荷包
酌量隨帶爲換物找數

烘烟

烟性易霉霉則色變而味減其法以烟置箬籠內用盆火微烘之以燥爲率每於四五月梅雨時八月中俗謂本樨蒸時候烘之不宜見日蓋黃烟宜烘不宜晒水烟宜晒不宜烘性各別也

窰烟

烟又不宜燥燥則變爲細末凡遇風日慘烈之時食者將烟攤于濕土上畧窰片時取其滋潤爲佳

食烟

樊榭山房集云食之之法細切如縷灼以管而吸之令人如醉祛寒破寂風味在麴生之外本草云凡食烟者將烟納入烟管六頭內點火燒吸滿口吞咽頃刻而過一身令人遍體俱快仍噓出之食物之最奇者聞之閩人呼烟爲芬呼烟管爲芬吹田雯黔書云方言以食烟爲阿應又曰良完

烟筒

吸烟之具銅頭木身名曰烟筒又曰烟管曰烟袋有金銀銅鐵四種或用竹管兩頭以玉石銅鐵鑲

之式樣不同短者七八寸長者四五尺本草云烟管長者丈餘好事者以吸管長遠則烟來舒徐爲美近日有嘉定竹刻烟管山水人物花卉及詩詞之類最爲奇勝

張巒東西洋攷云烟筒山此交陞占城分界處也以狀似烟筒故名知海外行之久矣烟初入內地時食者將烟草置瓦盆中點火燃之各攜竹管向烟羣聚而吸之其管不用頭今則人人隨身攜帶矣余錫純詩有蜀錦連頭裹帛懸小史身之句

有以梅枝柘條爲烟筒者磊砢錯節亦甚可玩玉
昶有鬪梅枝爲烟筩詞中云差喜淡巴菰葉在輕
颺烟絲一翦算偏少碧筩堪玩聽說蠻山水雪裏
墮霜華尙有寒梅榦喚康結此稀見淞南樂府注
云暹羅國藤烟管黃質黑章磷編織細難至而易
售價值大昂

夏日取蓮蓬梗摘去其房祇畱蒂挖空令與梗通
入烟草吸之頗有清芬之氣可配鄭公慤碧筩杯
南方之鈎藤酒

烟具

盛烟之器曰烟盒子佩身者曰烟荷包曰烟簷子
矜巧鬥奇千式萬樣瓣香聞見錄云裝烟之物名
曰合包以京緞洋呢爲之多葫蘆形梅谷偶筆云
近日日本國來縷金小盒乃貯烟器也

烟桌

張岱陶菴夢憶云余少時不識烟草爲何物十年
之內老壯童稚婦人女子無不吃烟大街小巷盡
擺烟桌此草妖也蓋烟草初行時市井間設小桌

子列烟具及清水一碗凡來食者吸烟畢卽以清水漱口投錢桌上而去

性味

牘外餘言云烟草的是何味而舉世趨之若狂案烟之功用與茶酒等茶能止渴酒可禦寒烟則治風寒辟瘴穢吞吐間而一身殆遍怡曙堂集云功盛于茶味逾于酒未有識其故者本草彙言云味苦辛氣熱有毒通行手足陰陽一十三經菴菴閣集七招云乃有呂宋所產一世瑞草含茹則火入

四肢呼吸則烟騰百竅其殆辛辣之氣達于四肢
不以形化芬芳之臭融于百竅不以味飮者也

宋羅景綸嘗謂檳榔之功有四醒能使醉醉能使
醒飢能使飽飽能使飢余謂烟草亦然灼以管而
吸之食已氣令人醉亦若飲酒然蓋醒能使之醉
也酒後食之則寬氣下痰餘醒頓解蓋醉能使之
醒也飢而食之則充然氣盛若有飽意蓋飢能使
之飽也飯後食之則飲食消化不至停積蓋飽能
使之飢也至其稟氣辛辣而多芬賦性疏通而不

滯又在檳榔之上

主治

食物本草云烟草火味辛溫有毒治風寒濕痺滯氣停痰利頭目去百病解山嵐氣塞外邊瘴之地食此最宜本草彙言云烟草通利九竅之藥也能禦霜露風雨之寒辟山蠱鬼邪之氣小兒食此能殺疳積婦人食此能消癥痞如氣滯食滯痰滯飲滯一切寒凝不通之病吸此卽通如陰虛吐血肺燥勞瘵之人勿胡用也梅谷偶筆云其氣芳香辛

辣其功當能辟瘟疫驅瘴癘散寒邪開氣化鬱豁
痰勝濕汪昂本草備要云烟草新噎宣行氣辟寒
閩產者佳本經逢原云近日日科內障丸中間有
用之獲効者取其辛溫散冷積之翳也東醫寶鑑
云鴉片治久痢不止每用小豆大一粒空心溫水
化下醫學入門云啞芙蓉性急不可多用

辟蟲

乾烟葉置書帙衣服中辟蠹不減芸香也凡果樹
菜蔬葉上生青黑細蟲以烟屑拌水洒之亦可治

火重言 卷二 一
香祖筆記云搗汁可毒頭蝨物理小識云膠棗包
金絲烟焚之壁蝨去本草綱要云烟筒中水能解
蛇毒

· 食忌

本經逢原云毒草之氣熏灼藏府遊行經絡能無
壯火散氣之慮乎不可與冰片同吸以火濟火多
發烟毒不可以藤點吸恐有蛇虺之毒吸烟之後
不得飲火酒以其能引火氣也

烟患

養生家謂燕津得長生故活字从千口水烟則因
火而生故烟字从因从火今之嗜烟草者灼喉薰
肺頃刻不離以毒火爲活計可乎物理小識云烟
草久服則肺焦諸藥多不效其症忽吐黃水而死
格致鏡原云多食烟損容本草從新云多食則火
氣薰灼耗血損年人不自覺耳今雖所在成熟其
毒似亦全減要不可不查

解毒

久受烟毒而肺胃不清者以砂糖湯解之王夢蘭

秘方集驗云砂糖調水服梅谷偶筆云紅沙糖甜
瓜子仁可解其毒

凡好吃烟者烟渣誤犯入目切勿將湯洗愈洗愈
痛甚至眼瞎救急篇云用亂頭髮或綜纓緩緩揉
之卽愈

古今秘苑云烟膏污衣用瓜子仁嚼碎洗之卽去

烟禁

向來種烟有禁虬菴瑣語云崇貞癸未下禁烟之
令民間私種者問徒法輕利重民不奉詔尋下令

犯者斬然不久因邊軍病寒不治遂弛其禁董含
三岡識畧云明季服烟有禁惟閩人幼而習之他
處百無一二也

國初時方苞陳宏謀俱有禁烟條奏及部議邸抄
椒園文集方望溪傳云先生旣在部得與廷議請
禁燒酒種烟以裕民食

畿輔通志云名宦王隲康熙二十五年任口北道
旗丁利民地可種烟控部差員查丈隲力爲詳請
民不失業

欽定大清會典則例雍正五年 諭米穀爲養命之寶既賴之以生則當加意愛惜至於煙葉一種於人生日用毫無裨益而種植必擇肥饒善地尤爲妨農之甚者也惟在良有司諄切勸諭俾小民醒悟知稼穡爲身命之所關非此不能生活而其餘皆不足恃則羣情踴躍皆盡力於南畝矣

乾隆八年戶部議準民間種煙一事廢可耕之地營無益以妨農功向來原有例禁且種煙之地多繫肥饒自應通行禁止惟城堡以內閑隙之地可

以聽其種植城外則近城奇零菜圃頗分種煙者
亦可不必示禁其野外山隰土田阡陌相連宜於
蔬穀之處一槩不許種煙凡向來種煙之地應令
改種蔬穀

嘉慶四年江蘇監生周介奏請種煙地畝改種五
穀并諸色人食烟及商販開烟舖食烟器具一切
禁止部議查民間食烟習非一日所種之地不過
農田之一二不足以傷農曰以不應禁之事瑣瑣
煩擾徒屬無謂所奏應無庸議

嘉慶十八年 上諭自鴉片烟流入內地深爲風俗人心之害從前市井無賴之徒私藏服食乃近日侍衛官員等頗有食之者甚屬可惡沉湎荒淫自趨死路大有關係深惑人心不可不嚴行飭禁大清律例載與販鴉片烟發邊衛充軍如私開鴉片烟館引誘良家子弟者擬絞監候

烟稅

烟草向於雜稅內各省完烟稅銀若干 大清會典則例乾隆五年題準安徽等十三府州屬雜稅

項下花布烟油等項銀或雜派於舖家煙戶實爲
擾累悉準予豁免

惡烟

凡食烟者賓朋醮會雲霧塞空不特俛仰唾涕惡
態畢具往往餘灰未燼延燒物件錢忠介公肅樂
最惡之視烟草爲野葛吾鄉孫啟南先生惡子弟
食烟不能禁止輒以火石投盆水中謂石濕則不
生火無火則烟可絕矣人咸笑其駭注有堂先生
一生不食烟人問其故曰蘭蕙至香有烟而蘭蕙

不香是奪其香也尿溺最臭有烟而尿溺不臭是臭甚於尿溺也奈何以清潔腸腑藏彼臭草

嗜烟

諺云開門七件事今則增烟而八矣上自公卿大夫下逮農工商賈婦人女子無人不嗜汪价嘯旨云近日俗尙食烟余每語人奈何以火燒五臟請觀筒中垢膩將何以堪其人猛省誓不再食少焉憶之便淪戒矣病酒之夫狂飲不待明朝難產之婦好合何須滿月嗜烟之酷乃至同於酒色何惑

游也夢一雜著云柳州苗人嗜淡巴菇如命雖三尺之童烟管不去手

客有嗜烟者家貧不能常繼輒拾包烟之閩紙揉碎爇火而吸之詢其故客曰亦頗有烟味兩村詩話云人有尙可不喫飯不可不吃烟之說

閩中

吸烟之盛昉于城市已而沿及鄉村始于男子既而漸流閨閣寄園寄所寄云閨閣佳麗亦以此爲餐香菇栢廣西通志云蠻女性喜吸烟每以烟筒

火
言
卷二
三
插髻茶餘客話云近日無人不用烟雖青閨稚女
銀管錦囊與鏡奩牙尺並陳矣

王初桐奩史云尤侗和董文友美人吃烟詩玉唇
含吐亦嫣然廣新聞云閨閣中亦皆手執烟袋呼
吸無忌一士人作詩詠之曰寶奩數得買花錢象
管雕鏤佑十千近日高唐增妾夢爲雲爲雨復爲
烟烏絲裊裊細于綿點點微櫻紅欲燃差擬海棠
初雨後凝脂和粉泣朝烟塵景文漱芳詩話云鼻
氏陳玉田句云猩唇動處櫻桃綻翠管拈時玉筍

長陳華南雜詠詩曰名士風流晶鬢鬢佳人韻致
淡巴姑蓋鬚眉巾幘嗜好約畧相同矣

烟趣

烟之爲用其利最溥辟瘴祛寒之外坐雨聞牕飯
餘散步可以遣寂除煩揮塵閒吟篝鐙夜讀可以
遠辟睡魔醉筵醒客夜語蓬窓可以佐歡解渴斗
室之中藝沉檀飲芥片而一枝斑管呼吸紆徐未
始非岑寂中之一助也

烟星

昔人謂酒既有星茶寧獨無今烟草盛行亦當有
星主之者天官書柳爲鳥注云主草木張梁詩云
也占牛耕土多聞鳥注星錢孫鐘詩云世爭甘火
味天合置烟星

烟草詩

查爲仁蓮坡詩話云烟草前人無詠之者韓慕廬
宗伯掌翰林院事時曾命門人賦淡巴菰詩多不
傳惟慈溪鄭太守梁爲庶常時所作存玉堂集中
茶餘客話云韓慕廬出以課庶常陳廣陵詩一時

傳頌家笠亭詩云味濃于酒思公瑾氣吐成雲憶
馬卿人推佳句陸青來耀作烟草歌形容盡致袁
枚隨園詩話云吾鄉翟進士灝詠烟草五十韻典
雅出色在韓慕廬先生烟草詩之上

吾松曹錫端王丕烈諸先生有九青韻烟草詩一
時和之者分牋門韻近日西湖紀氏聯句分韻詩
都下亦多屬和唐仲冕序而行之謂此題近鮮佳
作乃妙句續紛出於一門封胡羯末更有詠絮才
華何其盛也洵爲菽林嘉話

烟草詞

樊榭山房集云今日偉男髻女無人不嗜而予好之尤至恨題詠者少令異卉之湮鬱也暇日斐然命筆傳諸好事因作天香詞一闕同時譜此調者不下數十人余亦曾填此解石火敲紅爐香裊碧非雲非雨非霧筠管輕攜荷囊閒展好倩玉纖拈取絳唇小啟看一縷情絲微吐最是未馴還颺被風又穿簾去嘉名向傳葢露記蠻鄉載來閩賈艷說玉魂曾返淡巴宮主一種相思寄與想樊榭當

年畱題句添入羣芳茶經酒譜

烟草賦

全謝山先生淡巴菰賦於羗無故實中人情物理
體會入微蓋長于訓詁不徒工于賦物者也童山
文集云余試粵惠州日以烟賦題出試有柳生賦
頗佳而多出韻問之言藍本于楊孝廉觀潮而敷
衍之因嫌瑕瑜半掩效昌黎玉川月蝕之例而刪
節之以示多士